

Tónleikar
í
Listasafni Sigurjóns Ólafssonar

Einar Kristján Einarsson
gítarleikari
og
Robyn Koh
semballeikari



11. júlí 1989
kl. 20:30

Robyn Koh er fædd í Malasíu árið 1964. Hún hóf píanónám 6 ára að aldri og kom fyrst fram opinberlega ári seinna. Hún fluttist til Englands 1976, þar sem hún stundaði nám við Chetham's School of Music, sem er sérskóli fyrir börn gædd tónlistarhæfileikum. Árið 1982 hóf hún nám við Royal Academy of Music, þar sem aðalkennari hennar var Hamish Milne. Þá byrjaði hún einnig semalnám hjá Virginíu Black og hefur síðan lagt aðaláherslu á semballeik. Að lokinni útskrift úr Royal Academy of Music hélt hún áfram námi við Royal Northern College of Music í Manchester hjá George Hadjinikos og hjá David Roblou í London. Síðastliðið ár hefur hún sótt mánaðarlega tíma hjá Kenneth Gilbert í Mozarteum í Salzburg. Robyn hefur lokið eftirtöldum prófum frá konunglegu tónlistarskólunum í Englandi: LRAM, ARCM og GRSM (Hons).

Robyn hefur komið fram sem stofutónlistarmaður og einleikari í Malasíu, Englandi, Íslandi Frakklandi, Ítalíu, Bandaríkjunum og Sovétríkjunum. Hún hefur undanfarið verið búsett í Reykjavík og kennt við Söngskólann og Tónskóla Sigursveins D. Kristinssonar.

Einar Kristján Einarsson er fæddur á Akureyri og stundaði þar nám í píanóleik o.fl. við Tónlistarskólann, ásamt sjálfsnámi í gítarleik. Haustið 1977 hóf hann gítarnám við Tónskóla Sigursveins D. Kristinssonar og lauk burtfararprófi 1982. Aðalkennarar hans voru Gunnar H. Jónsson og Joseph Fung. Einar stundaði framhaldsnám í Manchester í Englandi 1982-1988 og voru aðalkennarar hans Gordon Crosskey, George Hadjinikos og David Russel. Hann hefur auk þess sótt námskeið hjá Alirio Diaz, José Luis-Gonzales o.fl. Einar hefur haldið tónleika og komið fram á Íslandi, Englandi og Spáni. Hann lauk einleikara- og kennaraprófi frá Guildhall School of Music 1987 og starfar nú sem gítarkennari við Tónskóla Sigursveins D. Kristinssonar og Tónlistarskóla Kópavogs.

Efnisskrá

Manuel Ponce (1882 - 1948)	Prelude
Porkell Sigurbjörnsson (f. 1938)	Fiori
Manuel Ponce (1882 - 1948)	Sonata Allegro moderato Andantino Allegro non troppo e piacevole
Áskell Másson (f. 1953)	Kansóna
Porkell Sigurbjörnsson (f. 1938)	Fiori
Luigi Boccherini (1743 - 1805)	Introduction and Fandango